



UNIVERSITÄTS-
BIBLIOTHEK
PADERBORN

**R.P. Lvcae Pinelli, Societatis Iesv Meditationes De
Sanctissimo Eucharistiæ Sacramento, Et præparatione ad
sacram communionem**

Pinelli, Luca

Coloniæ Agrippinæ, 1603

Admonitio Ad Christianum Lectorem.

[urn:nbn:de:hbz:466:1-59560](https://nbn-resolving.org/urn:nbn:de:hbz:466:1-59560)

MEDITATIONES 141

fecti Xenodochij existimantes eum alienatum à mente, vocarunt me, qui eram tunc comes Patris cuiusdã (qui festis diebus in Xenodochio concionabatur) vt redderem eum quietum. Adolecens repetiuit, quod dixerat, meq; obsecrauit, vt porrigerem sibi baptismum. se enim tantum ardorem interius sentire, vt diutius quiescere nõ possit. Sacellanus re diligenter examinata, vidēs eum circumcisum, sacro baptismo hominem lustrauit, & mox tranquillior redditus est; ac postero die spiritum Domino reddidit.

ADMONITIO AD CHRISTIANUM Lectorem.

RECORDARE Christiane Lector, te, vti animo constas & corpore, ita duplicem agere vitam, alteram temporalem mille periculis & casib. subiectam; alteram spiritualē, multis quoq; imperfectionibus & lapsibus obnoxia. Illa consistit in vnione animæ cum corpore, quæ in vtero materno, dum Deus creando animam coniungit corpori, perficitur. Hæc verò consistit in vnione gratiæ cū anima, quæ in gremio matris nostræ Ecclesiæ, dum Deus in baptismo infundit gratiã animæ, perficitur, Vtraque, vti suos habet aduersarios & inimicos, ita conuenientia habet remedia. Præuidens

uidēs itaq; Deus inimicos vitæ & incolu-
 mitatis spiritualis, nempe, peccata, sæpe
 præualituros, vt medicus non minus sa-
 piens, quàm misericors, duo potissimū
 Sacramenta in vitæ spiritualis remediū
 instituit. Vnum confessionis, alterū sa-
 cræ communionis, illud ad dandam vitā
 spiritualem, quæ non est aliud, quàm vi-
 uere in gratia Dei. Dat autem hanc vitā
 pellendo peccatum, & gratiam confere-
 do. Hoc vero ad conseruandam eandem
 vitam, quod facit cibando animam, vi-
 resq; ei ad expugnandas tentationes præ-
 bendo. Verū, quod hoc tempore ma-
 ximè deplorandū est. cum vita spiritua-
 lis longè dignior & præstātor sit tēpora-
 li, hæc tamen illi longè antefertur. Quid
 enim non facit æger ad recuperandā sa-
 nitatem? Negligit sumptus & ærummas
 omnes, nihil facit medicinarum amari-
 tudinem, dolorum omnium acerbitate
 siue igni, siue ferro effectam contemnit.
 Experientissimi quiq; Medici, nobilissi-
 ma antidota conquirunt; idq; pro vni-
 uersa sanitate corporali recuperanda, quæ no-
 bis etiam inuitis parum diuat, & cū mu-
 tis laboribus ægrè conseruatur. Dicat
 Christiane Lector, an pro restituenda sa-
 nitate spirituali tantum adhibemus stu-
 dium? Iudica tu, sit nē res digna lachry-
 ma

MEDITATIONES. 143

mis. Nolo ego prolixè indagare causam
 tantæ nostræ incuriæ; accidatne id ex im-
 becillitate & tenuitate fidei nostræ, an
 verò quia non satis mente expendimus
 sanctæ fidei nostræ documenta. Vnum
 tantum pro opusculi huius epilogo tibi
 suppeditabo consilium, vt si desideres,
 quod debes, consequi vitam spirituale,
 crebrò confitearis; & si desideres eandẽ
 conseruare, crebrò quoq; communices.
 Crede mihi, in Ecclesia Christi non esse
 nec præstantius, nec efficacius remediũ
 ad assequendam securitatem de salute ani-
 mæ. (quãta haberi potest in hac periculo-
 sa vita) frequentatione horum duorum
 Sacramentorum. Ad hoc confirmandũ
 describam hic exemplum sumptum ex
Promptuario exemplorum. Duo, inquit,
 adolescentes litterarum studiosi & pij,
 eum amicitiam inter se magnam cole-
 rent, cõuenerunt, vt q̄ primus amborũ è
 viuis excederet, certiozem faceret alterũ
 si Deus permitteret, de suo statu. Obijt
 vnus, & post septendecim dies splendi-
 do admodum corpore socio apparuit,
 eiq; dixit Ego gratiæ diuinæ ope ad salu-
 tem æternam perueni, & iam gloria cœ-
 lesti perfruo. Tum alter rogauit, quo of-
 ficio pietatis in hac vita maximè Deo
 placuisset? Respondit, frequentatione

Sacra-